



Broj: 03/2-1-04-5-1-487-3
Sarajevo, 31.01.2017. godine

SKUPŠTINA KANTONA SARAJEVO
PREDSJEDATELJICA SKUPŠTINE KANTONA SARAJEVO

PREDMET: Zastupničko pitanje gđina. Ademović Kemala vezano za obilježavanje vozila kojim upravljaju lica sa invaliditetom ili kojim se prevoze lica sa invaliditetom, Odgovor, dostavlja se;

VEZA: Vaš akt broj 01-05-35214/16 od 04.01.2017. godine

Nakon izvršenog uvida u sadržaj zastupničkog pitanja zastupnika gđin. Kemala Ademovića broj 1., obavještavamo Vas o sljedećem:

Proces zamjene starih znakova pristupačnosti je zaključen dana 30.11.2016. godine.

Rezultati navedene aktivnosti na dan 30.11.2016. godine su sljedeći:

	Broj izdatih znakova pristupačnosti	Broj lica koja nisu izvršila zamjenu znaka pristupačnosti
UKUPNO	1186	176

Izvještaj o validnim znakovima pristupačnosti na dan 18.01.2017. godine je:

	Broj izdatih znakova pristupačnosti
UKUPNO	1319 znakova pristupačnosti

Obzirom da je Pravilnik o obilježavanju vozila kojim upravlja lica sa invaliditetom ili kojim se prevoze lica sa invaliditetom, objavljen u Službenom glasniku Bosne i Hercegovine broj 92/15 od 01.12.2015. godine i stupio na snagu, prema članu 14. istoga, dana 09.12.2015. godine, i da isti u članu 13. stav (1). predviđa da svi znakovi izdati prije stupanja na snagu Pravilnika važe 6 mjeseci nakon donošenja pravilnika, svi znakovi pristupačnosti izdati na osnovu starog pravilnika su prestali sa važenjem.

U procesu zamjene znakova pristupačnosti, upućeni su pozivi svim posjednicima znakova pristupačnosti koji prolaze u službenoj evidenciji ovog Ministarstva, u namjeri obavještavanja istih o dužnosti obaveze zamjene znakova pristupačnosti. Takođe, u navedenom postupku, izrađena je i elektronska baza podataka koja sadrži sve podatke koji se odnose na zahtjev za izdavanje znaka pristupačnosti za svaki pojedinačni znak pristupačnosti i u kojoj je omogućeno štampanje znakova pristupačnosti, na osnovu podataka iz elektronske evidencije. Navedene elektronska baza podataka je ustupljena upravi policije na korištenje.



U vezi sa zastupničkim pitanjem broj 2. koje ujedno smatramo inicijativom, napominjemo da je ovo Ministarstvo pisanim putem već obavjestilo sve posjednike znakova pristupačnosti o dužnosti zamjene znakova pristupačnosti, te objavilo navedeni poziv na internet stranici Ministarstva unutrašnjih poslova Kantona Sarajevo dana 17.03.2016. godine. Uzimajući u obzir da pitanje/inicijativa predlaže dodatne aktivnosti, potvrđujemo da možemo izvršiti isto i da ćemo uputiti navedeni javni poziv, sa predloženim elementima iz inicijative kojima je cilj javno obznanjivanje o izgledu validne oznake pristupačnosti, te javno i trajno prezentirati izgled znaka pristupačnosti na internet stranici Ministarstva unutrašnjih poslova Kantona Sarajevo.

U vezi zastupničkog pitanja broj 3., pribavljen je odgovor Uprave policije, Ministarstva unutrašnjih poslova Kantona Sarajevo, broj 02/1-04-5-1150 od 23.01.2017. godine koji prenosimo u cjelosti:

"Zakon o osnovama sigurnosti saobraćaja na putevima u Bosni i Hercegovini (Službeni glasnik Bosne i Hercegovine broj 6/06, 75/06, 44/07, 84/09, 48/10 i 18/13), vezano za zaustavljanje i parkiranje predmetnih vozila, ne tretira zloupotrebu znaka pristupačnosti, nego se isti bazira na obavezi propisnog obilježavanja vozila kojim upravlja lice sa invaliditetom, što je definisano članom 29. stav (2), (3) i (4), dok je zabrana zaustavljanja i parkiranja na mjestima označenim kao parking prostor za lica sa invaliditetom, definisana članom 73 stav (1) tačka 12).

Shodno navedenom, proizilazi da ne postoji kaznena odredba za zloupotrebu znaka pristupačnosti."

S poštovanjem,

MINISTAR

Vedran Mulabdić

Dostavljeno:

1. Naslovu;
2. r/r.



web: <http://mup.ks.gov.ba>
e-mail: administracija@mupks.ba
Tel: + 387 (0) 33 286-768, Fax: + 387 (0) 33 611-676
Sarajevo, Zmaja od Bosne br.15

